

Takstretningslinjer for hurtigbåtrutene i Møre og Romsdal

gjeldande frå 01.01.2017

1 Retningslinjer - takstar

Desse takstretningslinjene omfattar all transport av personar og gods i hurtigbåtsambanda innan Møre og Romsdal fylke frå 1. januar 2017. Alle passasjerar skal betale personbillett.

Barn

Barn under 4 år reiser gratis.

Barn under 16 år betalar 50 % av vaksen enkeltbillett takst.

Er det tvil om alderen kan det krevjast legitimasjon.

2 Rabattar

Verdidel på reisekort

Reisekort med verdidel er ei betalingsløyising som kan brukast på alle strekningar innan selskapet sine hurtigbåtruter. Ved bruk av verdikort vert det gitt 17% rabatt på personbillett for vaksne og barn.

Verdidel kan nyttast av fleire personar på same tur.

Periodebillett

Periodebillett gjeld for ein person og ei bestemt reisestrekning. Billetten gir rett til uavgrensa tal reiser i den perioden billetten gjeld for. Billetten gjeld berre for vaksne.

Buss / hurtigbåt: Samordna periodebillett blir selt på enkelte strekningar.

Honnørrabatt

Honnørrabatt er 50 % av vaksen enkeltbillett, og gjeld alle som er over 67 år eller som mottar uførepensjon etter folketrygdloven eller er blinde.

Ektefelle, registrert partner eller sambuar i følgje med person som har rett til honnørbillett har sjølv rett på honnørbillett.

Honnørrabatt kan ikkje kombinerast med andre rabatterte billettformer.

Dei som gjer krav på honnørbillett må vise godkjent legitimasjon.

Moderasjon for vernepliktig personell og sivile tenestepliktige

Vernepliktig personell og siviltenestepliktige får 50% rabatt på vaksen enkeltbillett.

Militærrabatt kan ikkje kombinerast med andre rabattar.

Vernepliktbooka tener som legitimasjon. For innkallingsreiser gjeld innkallingsordren som legitimasjon.

Fri reise for ledsager til funksjonshemma

Ledsager til funksjonshemma som har ledsagerbevis reiser fritt saman med den funksjonshemma.

Ledsagerbevis skal vere utskrive av kommunen der den funksjonshemma høyrer Heime.

Skolebartransport

For skyss av grunnskoleelevar med hurtigbåtrutene skal ordinære takstar på vedkomande rutestrekning nyttast. Tal skoledagar i skoleåret og elevane sin alder ved byrjinga av skoleåret blir lagt til grunn for heile skoleåret. Dei skolebarna avtalen gjeld må ha med godkjent skolereisebevis.

Skolereisebeviset gjeld berre for ei tur-/returreise mellom heim og skole kvar skoledag.

Skole- og studentrabatt

Skoleelevar og studentar får 50% rabatt på periodebilletter. Vilkår for å få rabatt, skal vere framlegging av gyldig skole-/studiebevis.

Periodebillett Ungdom

Periodebillett ungdom gir rett til eit uavgrensa tal reiser innan Møre og Romsdal fylke i den perioden billetten gjeld for. Billetten gjeld for aldersgruppa til og med 22 år, og gjeld reiser med buss-, hurtigbåt- og ferjeruter og med bussrute gjennom bomstasjon. Kortet gjeld ikkje på nattbussar, flybussar og kommersielle ruter.

Grupperabatt

Grupper på meir enn 10 personar som reiser samla og løyser felles billett, får 30% rabatt på ordinær enkeltbillett takst.

Grupperabattane gjeld berre vaksne og barn, ikkje for t.d. vernepliktige og honnørreisande, men dei kan telje med for å utgjere ei gruppe.

Familierabatt

Når ein familie (far/mor og barn) reiser samla blir det gitt slike rabattar:

- Ein vaksen familiemedlem betalar vaksen takst
- Ektemake/sambuar og husstandsmedlemar mellom 16 og 25 år får 50% rabatt på ordinær vaksen takst
- Barn under 16 år får 50% rabatt på barnetakst

Rundreiserabatt

For reise utan i landstiging blir det gitt 35 % rabatt på ordinær tur-/returpris. Hovudregelen er at den reisande må vere om bord under heile turen.

Andre rabattar

Interrail/Eurorail:

Railerar får 50 % rabatt på ordinær vaksen billett mot å vise fram gyldig rail-billett.

3 Bagasje

Bagasje som kan takast med gratis:

- Hund
- Sykkel
- Handbagasje i bagasjehylle, på passasjeren sitt fang eller under setet
- Ski
- Barnevogn

4 Gebyr

Reisande som ved kontroll ikkje kan vise gyldig billett eller kort, skal i tillegg til billett betale eit gebyr på kr 500,- ved betaling på staden. Viss det skal sendast faktura, vert gebyret sett til kr. 750,-.